

Irakasle kaleratuak EHUr sartzeko debekua indargabe utzi du EAEko Auzitegi Nagusiak

Ebazpena «neurrigabekoa eta epez kanpokoa» da epaiaren agiriak dioenez

Gorane Agirre/ Bilbo

EAEko Auzitegi Nagusiak indargabe utzi du bost irakasle kaleratuei Leioako campusera sartzeko debekatzen zien EHUKo Gobernu Batzarrak onartutako ebazpena. Auzitegiak «neurrigabekoa eta epez kanpokotzat» jo du kanporatzea. Irakasleei 1993 bukaeratik 1998 hasiera arte debekatu zitzaizen campusera sartzeko debekua.

JOSE MARIA SARASIBAR Euskal Herriko Unibertsitateko (EHU) kaleratutako bost irakasleen abokatuak Euskal Autonomia Erkidegoko (EAE) Auzitegi Nagusiak urtarillaren 20an kaleratu zuen sententziaren nondik norakoak azaldu zituen atzo.

Juan Jose Goiriena EHUKo errektore zela, 1993. urteko abenduan, Unibertsitateak bi urtez Leioako campusean sartzeko debekatu zien bost irakasle kaleratuei. Irakasleek —Jose Luis Herrero, Antton Azkargorta, Jose Ramon Etxebarria, Enrique Lopez eta Jesus Mari Zalakain— kontzentrazioak egin zituzten aurreko ikasturtera arte emandako eskoletan, eta horregatik jaso zuten zigor hori.

Kanporatze prozesua 1993an hasi bazen ere, 1996ko urtarrilean onetsi zen behin betiko ebazpena. Horren ondorioz, irakasle kaleratuek debekatuta izan zuten campusera sartzeko 98ra arte, hots, lau urtez.

Ebazpenaren kontrako helegitea

Irakasleek 96ko ebazpen horren kontrako helegite administratiboa aurkeztu zuten EAEko Auzitegi Nagusiaren duela lau urte, eta iragan urtarillaren 20an kaleratu da sententzia.

Sententziak, Sarasibarrek azaldu zuenez, «indargabe uzten du ebazpena, neurrigabekoa eta epez kanpokoa delako, alegia, prozesua 93an hasi eta 96an bukatu zelako».

Irakasleek ebazpenaren aurkako helegitean jasotzen zituzten sei argudioetatik bakararra hartu du aintzat Auzitegi Nagusiak, hain zuzen, iraungitzearena.

Sarasibarrek esan zuenez,



Jose Ramon Etxebarria, Jose Maria Sarasibar eta Antton Azkargorta atzoko agerraldian.

«legez, EHUK gehienez lau hilabate zituen 93an hasitako prozesua bukatzeko, baina, bi urte luze eman zituen. Auzitegiak legez kanpokotzat jo du eta indargabe utzi du ebazpena».

Epaiaren aurrean, irakasle kaleratuek kalte-ordainak

eskatuko ote dituzten aztertzen ari dira. Halaber, Sarasibarrek hitzetan, «lau urtez campusean sartzeko eragotzi zaie, eta gainera jipoitu, atxilotu eta komisariara eraman dituzte legez kontrakoa zen erabakia ez obeditzeagatik».

Era berean, desobedien-

tziagatik irakasleetako baten aurkako epaia irmoa berri-kusteko helegite berezia aurkeztuko dute. Ildo horretatik, zabalik dauden prozesu judizialak bertan behera uztea eskatuko dute Auzitegiaren epaian oinarrituz.

Sarasibarrek atzo esan

«EHUK ikasteko duen ikasgaia»

EHU-KO irakasle kaleratu Jose Ramon Etxebarria Euskal Autonomia Erkidegoko (EAE) Auzitegi Nagusiaren sententziaren hausnarketa akademiko-politikoak egin zuen atzoko agerraldian.

Etxebarriaren hitzetan, «zazpi urte hauetan gure aurka egin duten lan errepresibo guztia alferrikakoa izan da, ez du ezertarako balio izan. Gaur egun 1993. urtean geunden egoera berean gaude. Behingoz, unibertsitateak irakasgai hau ikasi behar du, hain zuzen, gure arazoa bakar-bakarrik negoziaketaren eta akordioaren bidez konponduko dela».

Ildo horretan, 1993. urtean Juan Jose Goiriena errektorearekin adostutako akordioa berreskuratu dezatela eskatu zien EHUKo errektoregaiei. Baita, «bide judiziala eta errepresiboa behin betikoz» baztertzeko ere.

zuenez, «epai horrekin zazpi urteko bide errepresiboa amaitu da, eta behingoz irakasleen lan auzia negoziaketaren bidez bideratu behar da».

Pello Salaburu errektoreak hamar eguneko epea du Auzitegi Nagusiaren sententzia errekurritzeko. Ildo horretan, irakasleen abokatuak, «unibertsitatea ez judizializatzeko duela hilabete agertutako jarrerari eusteko» eskatu dio Salabururi.

Prostituzioak gizartean daukan tokia aztertuko du Askabidek hileon egingo dituen jardunaldietan

■ Lana edo esplotazioa den eztabaidatuko dute hilaren 10 eta 11n Bilbon izango diren topaketetan

Gorane Agirre/ Bilbo

PROSTITUTEN laguntza eta heziketa alorrean diharduen Askabide elkarteak kolektibo horren arazoei eta jarduerari buruzko bigarren jardunaldiak antolatu ditu. Topaketok *Prostituzioa, lana edo esplotazioa* lemapean egingo diituzte hilaren 10 eta 11n Bilbon.

Bigarren jardunaldi hauek prostitutak lagundu eta hezitu, eta aldi berean gizartea fenomeno horretaz sentsibilizatzea helburu duen Askabide elkartearen XV. urtemugarren barruan kokatzen dira.

Topaketotan prostituzioan diharduten lagunek zein

kolektibo horrekin lan egiten duten gizarte eragileek prostituzioaren egoeraz hausnartu, eztabaidatu eta esperientziak mahaigaineratuko dituzte.

Askabide elkarteko ordezkari batek adierazi duenez, «jakina denez prostituzioaren inguruan bi jarrera ezberdin daude. Batzuen ustez lanbide bat da eta ondorioz, legeztatzea eskatzen dute. Beste batzuentzat, oster, prostituzioa esplotazio bat den heinean gainditu egin behar da».

Ildo horretan, datorren astean egingo diren jardunaldietan bi jarrera hauek islatzeaz gain, herrialde ezberdinetan gai honen ingu-

ruan gertatzen ari denari buruzko ikuspegi deskribatzaile bat eskaini nahi dute antolatzaileek.

Prostituzioa arautzeko zailtasunak Espainian

Horrela, topaketok prostituzioaren egungo egoera, Holandan jarduera honetaz dagoen legedia, eta Espainian prostituzioa arautzeko dauden zailtasunak aztertuko dituzte lehenengo egunean; IU alderdi politikoak prostituzioa arautzeko egin duen proposamena ere aztertuko dute egun horretan.

Egun berean, prostituzioan jarduten duten gizon eta

emakumeek beren esperientzia eta dituzten arazozen berri emango dute. Era berean, hori aldatzeko proposamenak ere egingo dituzte.

Bigarren egunean, otsailaren 11an, prostituzioa lana edo esplotazioa den eztabaidatuko dute hiru lagunek: Concha Garcia prostituten eskubideen aldeko elkarteko kideak, Maria Luz Martin PSOEko Emakume Saileko eledunak eta Maria Donat Zaragozako Caritas-eko Fogaral zentruko ordezkariak.

Jardunaldiak Eusko Jaurlaritzak Bilbon -Gran Via 85- duen egoitzan egingo dira hilaren 10 eta 11n.